



Partiziun finanzas

tel. 081 257 27 27
lena.sykora@avs.gr.ch
www.avs.gr.ch

Uffizi per la scola populara ed il sport
Quaderstrasse 17, 7001 Cuira

Cuira, ils 25-06-2020

Ulteriuras structuras dal di – retschertga dals custs normads per l'onn da scola 2020/21

Stimadas dunnas e stimads signurs

Cun il relasch da l'ordinaziun davart ulteriuras structuras dal di (ordinaziun davart structuras dal di) dals 19 da mars 2013 ha la regenza concludì tranter auter ch'i duaja vegnir desiti d'in rendaint annual detaglià dals custs da las instituziuns responsablas per la scola che serva sco basa per calcular las contribuziuns chantunalas annualas. Empè da quai èn vegnidas introducidas contribuziuns pauschalisadas per unitad d'assistenza. La calculaziun da questas pauschalas è vegnida fatga sin basa dals custs normads tenor la lescha davart la promoziun da la tgira d'uffants complementara a la famiglia en il chantun Grischun (lescha davart la promoziun da la tgira d'uffants complementara a la famiglia). L'art. 6 da la lescha davart la promoziun da la tgira d'uffants complementara a la famiglia sco er l'art. 9 al. 2 lit. c da l'ordinaziun davart structuras dal di prevesan che l'instituziun responsabla per la scola stoppia sa participar als custs normads almain en la medema dimensiun sco il chantun.

Tenor il relasch da la regenza vegn l'uffizi per la scola populara ed il sport (USS) incumbensà da pretender da las instituziuns responsablas per la scola e da controllar mintga 4 onns in rendaint detaglià davart ils custs effectivs. La finamira da la controlla è quella da constatar, sch'ils custs normads fixads dal chantun resp. las pauschalas chantunalas ston eventualmain vegnir adattads e sche las instituziuns responsablas per la scola sa participeschan als custs per las purschidas da las ulteriuras structuras dal di almain en la medema dimensiun sco il chantun.

L'emprima enquista è vegnida fatga l'onn da scola 2016/17. Suentar ulteriurs quatter onns suonda l'onn da scola 2020/21 la segunda enquista, numnadamain suenter la fin da l'onn da scola. Tut las infurmaziuns latiers chattais Vus sin il fegl d'infurmaziun agiuntà.

Ils documents ston vegnir inoltrads fin **il pli tard ils 31 da october 2021** per e-mail (lena.sykora@avs.gr.ch) u per posta (uffizi per la scola populara ed il sport, partiziun finanzas, Quaderstrasse 17, 7000 Cuira).

Sch'i n'èn betg resultads custs en il sector da las ulteriuras structures dal di durant l'onn da scola 2020/21, As supplitgesch jau da m'annunziar quai per e-mail.

En cas da dumondas stun jau gugent a Vossa disposiziun.

Salids amicabels

UFFIZI PER LA SCOLA POPULARA
ED IL SPORT

Finanzas



Lena Sykora, referendaria

- fegl d'infurmaziun